

GRAD NOVI PAZAR
SKUPŠTINA GRADA
Odbornička grupa SDA Sandžaka

Novi Pazar

9. februar 2021. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O OSNIVANJU KOMISIJE ZA PROMJENU NAZIVA USTANOVA ČIJI JE OSNIVAČ GRAD NOVI PAZAR**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 10. februara 2022. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

PRIJEDLOG

Na osnovu članova 36. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), člana 46. stav 1. tačka 56. Statuta grada Novog Pazara („Službeni list Grada Novog Pazara“, broj 8/17), članovima 55, 96. i 97. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj _____ godine donijela je

O D L U K U

O OSNIVANJU KOMISIJE ZA PROMJENU NAZIVA USTANOVA ČIJI JE OSNIVAČ GRAD NOVI PAZAR

Član 1.

Ovom odlukom osniva se Komisija za promjenu naziva ustanova čiji je osnivač grad Novi Pazar (u daljem tekstu: Komisija) kao povremeno radno tijelo Skupštine Grada Novog Pazara.

Član 2.

Komisija se obrazuje radi davanja prijedloga za promjenu naziva ustanova čiji je osnivač Grad Novi Pazar.

Komisija će sačiniti prijedlog odluke o promjeni naziva određenih ustanova, čiji je osnivač Grad Novi Pazar, i podnijeti Skupštini grada na razmatranje.

Član 3.

Za članove Komisije biraju se:

1. _____ (predstavnik odborničke grupe „Evropski Novi Pazar – Rasim Ljajić“)
2. _____ (predstavnik odborničke grupe „Akademik Muamer Zukorlić – SPP“)
3. _____ (predstavnik odborničke grupe „SDA Sandžaka“)
4. _____ (predstavnik odborničke grupe „Aleksandar Vučić, Ivica Dačić – Za našu decu“)
5. _____ (predstavnik Bošnjačkog nacionalnog vijeća)

Član 4.

Rok za izvršenje zadatka je 30 dana od dana donošenja ove odluke.

Član 5.

Prvu sjednicu radnog tijela saziva predsjednik Skupštine najkasnije u roku od 7 dana od dana donošenja ove Odluke.

Članovi Komisije će na prvoj sjednici izabrati predsjednika i zamjenika predsjednika Komisije.

Predsjednik Komisije organizuje rad, saziva i predsjedava sjednicama Komisije, formuliše zaključke i o tome obavještava predsjednika i sekretara Skupštine.

Zamjenik predsjednika Komisije zamjenjuje predsjednika Komisije u slučaju njegove spriječenosti ili odsutnosti.

Član 6.

Na rad Komisije shodno se primjenjuju odredbe Poslovnika Skupštine grada Novog Pazara o radu stalnih radnih tijela.

Stručne i administrativno-tehničke poslove za rad ove Komisije obavljaće Odjeljenje za skupštinske poslove, poslove gradonačelnika i gradskog vijeća Gradske uprave za izvorne i povjerene poslove.

Član 7.

Ova Odluka stupa na snagu danom donošenja i objavljuje se u „Službenom listu grada Novog Pazara“ i na internet stranici grada Novog Pazara.

SKUPŠTINA GRADA NOVOG PAZARA

Broj: _____

U Novom Pazaru, _____ 2022. godine

PREDSJEDNICA

Dr. Anela Šemsović

O B R A Z L O Ž E N J E

I – Pravni osnov za donošenje odluke

Pravni osnov za donošenje ove odluke sadržan je u članu 36. Zakona o lokalnoj samoupravi („Sl. glasnik Republike Srbije“, br. 129/2007, 83/2014 - dr. zakon, 101/2016 - dr. zakon i 47/2018), članu 46. stav 1. tačka 56. Statuta grada Novog Pazara („Službeni list Grada Novog Pazara“, broj 8/17), članovima 55, 96. i 97. Poslovnika Skupštine grada Novog Pazara („Službeni list grada Novog Pazara“, br. 6/19).

II – Razlozi i cilj donošenja odluke

Trenutno postoji trinaest javnih ustanova čiji je osnivač Grad Novi Pazar, osamnaest osnovnih i šest srednjih škola.

Aktuelni nazivi ustanova u Novom Pazaru ni na koji način ne odražavaju ono što Novi Pazar jeste, niti se mogu smatrati odrazom identiteta Novog Pazara i građana koji u njemu žive.

Nazivi ustanova kulture, osnovnih i srednjih škola, predstavljaju ličnu kartu svakog grada, čuvaju tragove historijskih okolnosti, civilizacijskih i kulturnih prožimanja i kohabitacije.

Imenovanje i preimenovanje javnih ustanova je pravna, kulturološka i politička kategorija koja svjesno oblikuje identitet jednog grada i njegovih stanovnika. Ovaj proces, također, ima i veoma važnu ulogu u svakodnevnom životu građana i ostvarivanju njihovih prava i dužnosti.

Komisija, koja se obrazuje ovom odlukom, ima za zadatak da sačini prijedlog za promjenu naziva određenih ustanova, za koje utvrdi da su sporna za građane, ili nemaju poseban značaj. Komisija će dati i prijedloge novih naziva, uvažavajući lokalnu historiju, kultur i tradiciju građana Novog Pazara, kao i nacionalnu strukturu stanovništva grada.

III – Objašnjenje pojedinačnih rješenja propisanih ovom odlukom:

Članom 1. utvrđen predmet ove odluke i naziv radnog tijela.

Članom 2. utvrđena je oblast i zadaci za koje se osniva radno tijelo.

Članom 3. utvrđen je broj i sastav članova radnog tijela.

Članom 4. utvrđen je rok za izvršenje zadatka.

Članom 5. utvrđena su prava i dužnosti predsjednika i članova radnog tijela.

Članom 6. uređuje se rad radnog tijela, kao i služba zadužena za obavljanje stručnih i administrativno-tehničkih poslova.

Članom 7. propisana je obaveza objavljivanja ove odluke u „Služenom listu grada Novog Pazara“ i internet stranici Grada.

IV – Finansijska sredstva za sprovođenje ove odluke nisu potrebna.